

Suzy Kock:

Fiesta di luau ta pa recauda fondo pa asina sigui cu nos trabou di yuda victimanan den dificultad



ORANJESTAD – Sra. Suzy Kock, e presidente actual di Fundacion di Hende Muhe den Dificultad, ta desea pa comunidad di Aruba haya sa cu nan lo tene un fiesta di luau cu lo tuma luga dia 25 di mei proximo na Parke Arawa.

Sra. Magaly Maduro recientemente a join e fundacion

y e ta e coordinador di e fundacion di cual e lo ta encarga di e oficina y shelter. E meta cu nan ta haci e fiesta aki ta pa asina nan por recauda fondo pa asina por sigui cu nan trabou di yuda hendenan muhe cu ta den dificultad.

E topico di violencia domestico ta uno cu hopi hende no ta gusta papia di dje aki na Aruba. Mas bien e ta uno cu

aki na Aruba hende ta purba di sconde mas tanto cu ta posibel, segun Sra. Kock. Sinembargo e ta un realidad aki na Aruba, di cual e fundacion ta bringando y ofreciendo guia na su victimanan y nan ta haci esaki pa mas cu 20 aña caba.

Recauda fondo

E motibo pakico e Fundacion di Hende Muhe den Dificultad ta haci e fiesta aki ta pa recauda fondo, segun e presidente. Esaki ta pa nan por sigui cu e trabou valioso cu nan ta haciendo pa e comunidad Arubano. “Manera nos tur sa e subsidio na e fundacionnan no ta na nivel cu e mester ta pa por cumpli cu e trabou,” segun Sra. Kock. Pa e motibo ey fundacionnan ta depende di e generosidad di e comunidad di Aruba pa por sigui cu su trabou.

Fiesta luau

Vanessa Quilot secretaria di e



fundacion a indica cu nan ta sumamente contento cu e fiesta di luau. E fiesta lo ta uno bailabel, cu e estilo di Hawaiian luau. Loke por wordo spera na e fiesta lo bay tin e

banda Tsunami y lo bay tin bailamento te ora fiesta termina.

Desde ora cu e fiesta cuminsa lo bay tin un toke tropical cuminsando cu e decoracion, e vestuario, tambe nan lo tin un Tiki bar cu cocktail sabor tropical y hopi otro mas cos. Pa loke ta encera e cuminda eynan mes nan lo ta preparando esaki y e lo ta na estilo Hawaiano, segun Sra. Quilot.

Pa e carchinan di luau di dia 25 di mei esaki lo costa 100 dollar pa dos persona y ya caba ta na benta. Pa e fundacion e prijs ta rasonabel pa tur loke lo bay tin e anochi ey. Por haya e carchinan cumpra cerca cada un di e miembro-nan di e directiva y tambe por haya esaki na Seroe Blanco Services Station. Pa entrega special te na cas di hende of trabou laga e fundacion sa y por yama na 5835400 of Sra. Kock na 5930330. □